

ex Lancastrensi agro oriundus opimam adivit hac in parte hæreditatem, & pulcherrimas ad *Milbery* ædes ejus proles extruxit. Inde præterfuit *Byndon*, Saxonice à *Beaun* (quod & suum habuit monasterium) ubi *Kinegilus*, anno 614, ancipiti bello Britannos vicit. Iampridem Domini de *Marney* villa erat, nunc Vicecomitis titulum honorarium præbet *Thomæ Howard* Georgiani ordinis Equiti, cujus patrem *Thomam*, filium secundo-genitum *Thomæ Howard* ejus nominis secundi, Ducis Norfolciæ R. Elizabetha Vicecomitem *Howard* de *Bindon* creavit, cum ille ducta in uxorem filia & hærede Baronis *Marney* per amplam *Newbourorum* hæreditatem hic crevisset. Hi qui de *Novoburgo* & vulgo *Newborough* nominati genus à filio minori *Henrici* Comitis *Warwici* primi è stirpe Normannica deduxerunt; & tenuerunt hic *Vinsfrott* cum tota Centuria ex dono Regis *Henr.* Primi, per *servitium Camerarii* (ex libro *Inquisitionum loquor*) in capite de Domino Rege. Sub *Edwardo* autem tertio legi hoc teneri per *Seriantiam*, videlicet lavatorium tenendo ad lavationem Domini Regis in die Coronationis. *Radolphus* etiam *Moiem* tenuit Manerium proximum de *Owres* per *servitium Seriantie* de *Coquina*, dono itidem Regis *Henrici* Primi, & R. de *Vvelles* Manerium de *Vvelles* adjunctum à *Conquestu Angliæ* per *servitium piscoris*. Sed hæc obiter.

Ubi *Fromus* in sinum illum ad quem *Pole* affidet se exonerat, juxta ipsum ostium *Warham* imponitur, Saxonice *Weareham*, oppidum tutissimo undique situ, nisi ab *Occasu*, ab aliis partibus fluminibus *Trento*, *Fromo*, & mari circumseptum, *Edwardi* Confessoris tempore, ut est in *Censuali* illo libro, c. XLVIII domos, & duos monetarios habuit; sed *Guilielmo* victore regnante, septuaginta tantum domos numeravit. Deinde tamen refluivit, & murorum ambitu, officina monetaria, civium frequentia, & castro munitissimo, quod *Guilielmus* ille primus construxit, usque ad *Henrici* Secundi tempora florentissimum erat. Iam inde bellis, fortuitis incendiis, marique paulatim portus commoditatem subducente, tantum non concidit, & allium copiose in ipso antiqui oppidi sinu profundit. Hoc etiam ostio una se ejicit *Trento* fluviolus *Afferio* dictus, nunc vero accolis *Piddle*, à cujus Septentrionali ripa vix ad tertium milliare parietinas vetusti cœnobii *Middleton* vidimus, quod *Athelstanus* rex fundavit, ut fratris *Edwini* manes expiaret, cui & regnum, & vitam præriperat. Cum enim sollicita illa regnandi cupiditas omnem justitiæ memoriam ex animo extirpasset, miserum adolescentulum regni hæredem designatum cum servulo actuarialæ omnibus armamentis nudatæ commisit, ut quod ipse delinqueret, undis adscriberet, qui dolore victus, & sui impotens inde se præcipitem in mare immisit. Sub hoc *Middleton* effunditur etiam rivulus alter qui *Bere* tenuem mercatum alluit, ubi longo tempore sedem habuit antiqua illa & celebris familia *De Turbida-villa*, vulgo *Turbervill*.

Cæterum ut regrediamur ad Occiduam agri partem. Ad *Fromi* fontes, qua gleba est fecundissima, *Blackmore* saltus olim arboribus densus, nunc rarior, copiosam admodum præbet venationem. Hic vulgatiore nomine *The Forrest of white Britannia*.

*bart* dicitur, id est, *Candidi cervi Forresta*. Nominis rationem hanc à majoribus acceptam referunt incolæ, Regem *Henricum* Tertium huc venatum venisse, cum alias cepisset damas, cervo pulcherrimo pepercisse, quem postea *T. de la Lynde* hoc tractu nobilis cum suis cepit & occidit; verum quam periculosum fuerit leonem vellicare, illi statim senserunt. Rex enim iram in illos acerbiorē concepit, ingenti pecuniæ summa multavit, & ipsa prædia quæ illi tenuerunt ad hanc usque diem quotannis multæ nomine pecuniam in fiscum regium persolvunt, quæ *White hart Sylver*, id est, *Candidi cervi argentum*, appellatur. Huic saltui adjunctum est oppidum *Shirburn*, quod & *Shirburn castrum* dicitur, olim *Scpeburn*, hoc est, si interpreteris, *Fons limpidus*, vel ut alibi scribitur, *Fons clarus*, in collis devexo positum, habitantium frequentia, & positionis gratia, ut inquit *Malmesburienſis*, *suave*; nunc vero totius hujus Comitatus frequentissimum est, & lanificio maximum quæstum facit. Anno reparatæ salutis DCCCIII, sedes hic Episcopalis constituta. *Aldelmus*que primus consecratus Episcopus, postea regnante *Ethelredo* *Hermannus* Episcopus *Sunningensis* hunc Episcopatum consequutus huc cathedram Episcopalem transtulit, & Episcopatum *Sunningensem* huic conjunxit, quam sub *Guilielmo Conquestore* *Sarisburiam* idem transtulit, *Schirburnam*que suis successoribus, ad quos etiamnum spectat, in suæsum reservavit, è quibus *Rogerus* castellum munitum construxit in Orientali ejus parte, cui palus ampla & multa piscium vivaria olim subjecta, nunc oppleta in lætissimum pratum convertuntur. Ecclesia vero, quæ cathedram Episcopalem habuit statim à translatione ad cœnobium recidit, magnamque vetustatis speciem præ se fert, quamvis non multis ante annis, tumultu inter cives & religiosos exorto deflagarit, quod adustus in faxis color etiamnum planissime loquitur. Sub hoc *Twell* fl. de quo alibi dicemus, crebriori flexu subinde curvatus, in occasum prolabitur ad *Clifton* quondam sedem stirpis de *Maulbauch*, à qua hæreditario ad Equestrem *Horfeiorum* familiam descendit, ubi *Somerſettensem* provinciam subintrat.

Magis ad Ortum *Stouwe* flumen clarissimum defertur, tincarum, & anguillarum inprimis fecundum, è sex fontibus in agro *Wilton*. exoriens ad *Stourton* sedem Baronum de *Stourton*. Vbi primum hunc agrum intraverit; *Gillingham* saltum interfuit, in quo *Edmundus* cognomine *Ferreum latus* Danos memorabili prælio fudit. Et à tertio milliare *Shaftbury* salutat edito colli affixum, *Britannis* olim *Caer Paladur*, ut falso putat vulgus, & *Septonia*, Saxonibus *ðceapterbýpýz*, forsitan à *Pyramide* sacra, quæ illis *Scheast* dicebatur. Paulo ante Normannica tempora domos c. III & trēs monetarios habuit, ut in libro illo quem sæpe dixi, legimus. Posteaque magis monasterio *Sanctimonialiū*, quod mulier pientissima *Elfgiva* uxor *Edmundi*, qui fuit pronepos Regis *Ælfredi*, posuerat, & decem plus minus eccles. paroch. floruit. Verum *Aquilæ* vaticinantis de *Britannici* imperii conversione fabella historicis nostris locus hic est notissimus. Nonnulli enim *Aquilam* avem, alii virum

Forrest of white hart.

White hart Sylver.

Shirburne.

Clifton

Shaftbury.

Aquilæ vaticinium.